



Broj: 09-31-914/23

Datum: 02.06.2023. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj: 39/14 i 59/22), člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), člana 200. Zakona o upravnom postupku ("Službene novine Federacije BiH" br. 2/98 i 48/99), a na prijedlog Komisije za javnu nabavku roba, usluga i radova, Općinski načelnik d o n o s i

O D L U K U **o poništenju postupka javne nabavke**

I

Poništava se postupak javne nabavke roba: „Nabavka enterijera za Centar za zdravo starenje Vogošća“.

II

Za izvršenje ove Odluke zadužuje se Služba za boračko-invalidsku i socijalnu zaštitu Općine Vogošća.

III

Odluka o poništenju postupka javne nabavke objavit će se na web stranici www.vogosca.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

O b r a z l o ž e n j e

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 09-31-914/23 od 09.05.2023. godine.

Procijenjena vrijednost javne nabavke sa PDV-om je: 20.000,00 KM (slovima: dvadesethiljada konvertibilnihmaraka).

Obavještenje o javnoj nabavci broj: 1353-1-1-85-3-87/23 od 10.05.2023. godine, poslano je na objavu na Portal javnih nabavki.

Komisija za javnu nabavku roba, usluga i radova je imenovana Odlukom Općinskog načelnika broj: 02-04-364/23 od 28.02.2023. godine.

Iz Zapisnika sa otvaranja ponuda i Zapisnika o pregledu i ocjeni ponuda Komisije za javnu nabavku je vidljivo da je dana 01.06.2023. godine pristigla ponuda slijedećeg ponuđača sa ukupnom ponuđenom cijenom:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1.	ProTim d.o.o. Sarajevo	20.000,00	/	20.000,00

Komisija za javnu nabavku je izvršila analizu cijena jedine prispjele ponude, te konstatovala da ponuda ponuđača ProTim d.o.o. Sarajevo sadrži računsku grešku, po jediničnoj cijeni, a koja se odrazila se i na ukupnu ponuđenu cijenu navedenu u ponudi, i ista treba da iznosi: 20.100,00 KM bez uračunatog PDV-a, a ne 20.000,00 KM bez uračunatog PDV-a.

U skladu sa odredbama člana 9.5.1 tenderske dokumentacije ponuđaču je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

Nakon izvršenog otvaranja ponuda Komisija je pristupila analizi dokumentacije iz jedine pristigle ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda u skladu sa pravilima i procedurama utvrđenim tenderskom dokumentacijom i Zakonom i podzakonskim aktima, te je Komisija konstatovala slijedeće:

Ponuda ponuđača ProTim d.o.o. Sarajevo je pravilna jer ispunjava kvalifikacione uslove (lična sposobnost, sposobnost za obavljanje profesionalne djelatnosti, tehničke i profesionalne sposobnosti) zahtjevano u tenderskoj dokumentaciji, ali je neprihvatljiva iz razloga što ukupna ponudana cijena od 20.100,00 KM bez uračunatog PDV-a, prelazi planirana, odnosno osigurana novčana sredstva Ugovornog organa (planirano/osigurano 20.000,00 KM bez uračunatog PDV-a).

U skladu sa naprijed navedenim ponuda ponuđača kao takva se nije mogla uzeti u dalje razmatranje.

Komisija za javnu nabavku roba, usluga i radova jednoglasno je predložila Općinskom načelniku da u skladu sa odredbama člana 69. stav 2) tačka e) Zakona o javnim nabavkama donese Odluku o poništenju postupka javne nabavke roba: „Nabavka enterijera za Centar za zdravo starenje Vogošća“, jer je cijena jedine pristigle ponude znatno veća od planiranih/osiguranih sredstava za predmetnu nabavku.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o poništenju postupka javne nabavke donešena jednoglasno u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (2) tačka e) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od 09.10.2014. godine.

Izradila: Jasna Salihović

Jasna Salihović

Kontrolisala: Melisa Kršo

Melisa Kršo

OPĆINSKI NAČELNIK

Migdad Hasanović
Migdad Hasanović

DOSTAVITI:

- ProTim d.o.o. Sarajevo
- Nadležnoj Službi
- a/a